

崇雅堂應制存稿

崇雅堂應制存稿

仁和 胡敬 以莊

應

制喜雨賦

惟民望歲惟

帝格

天墜宵旰以靡釋因雨暘之偶愆

心凝承而昞澤

躬齋邀以

祈年已過

常雩九野佇甘霖之沛

特頒溫綽

三壇申昭事之虔時也月畢韜輝風箕秉令石燕遲飛火烏高
映鑿龍潭之炳靈紆

鑾輅而攄敬還默禱於九重冀降康於萬姓勤民之念愈殷類
帝之儀斯盛

詔子臣以隨祀恭迓

天休法

皇祖之攸行欽承

考命於是太常夙戒彩仗晨馳龍驤七校鶯戢百司熏風被乎
瑤軫湛露浥平華芝瞻爐烟以就列奉祝版而陳辭

帝容則玉粹金和式憑黃幄

天步則雲蒸霞蔚肅叩丹墀俄而爽挹青雯潤含紫陌涼液飄
晨濃陰釀夕低承出水之禾暗長連塋之麥苑花燦以舒紅隄

柳紛其凝碧旬依十日允符

盛世之祥望慰三農已沐彌天之澤迺

聖心猶以陽威久熾膏澤未酣睠千畝之待沃思八紘之徧涵
憫鬱蒸之增劇倣清晏之暫耽傳

警蹕而卽齋宮重陳驚翾勅乾行而申巽命再整鸞驂則見夫
電光鏡流雲氣峰吐殷雷厲空涼颺拂戶炎歊散而黑蜺騰陰
諧集而商羊舞洗六合以塵清不崇朝而澤普千畝漑淇園之
竹愜解汴梁九天垂泰岱之雲穰占齊魯此蓋慈膺

昊眷誠感

躬祈爰詣

神壇而肅謝又邀澍雨之紛霏蘇息已周平繡野和甘復薦夫
金鞮清響答琤琤之佩微涼霑侍從之衣聽擊壤之歡騰

皇程歸緩覽隨車之膏浹

天貺逢稀是用

宸襟載愉

奎藻遡布喜瑞應之頻仍製瑤華以宣付遠邁殷宗霖雨之詞
上躋虞帝卿雲之句小臣幸際昌期渥蒙

恩遇慙螽蟻之何知效雕蟲而奏賦

澄海樓賦

以故觀於海者難爲水
爲韻已卯大考翰詹題

爾乃大海瀾迴雄關天樹控紫塞以星聯建崇樓而雲互眇藻
井之紛葩卜金城之鞏固因層巘以增高卽前規而拓故地形
據遼瀋之全天象應斗箕之度四瀛攬勝千尺高盤霄漢仰睇
星辰俯觀瑊威夾峙烏兔雙丸宿虹蜺於飛棟繞雷電於雕欄
遙岫挹翠崇巒瀉丹榆葉之關雲留影松花之江水浮瀾其中

則粉橈鳳翥欒棋龍拏飛梁抗極以夭矯重巖麗空而卷舒署
以璿榜洞以雕疏蔭以叢薄帶以林於匪眺月之足擬豈摘星
之可如其外則西枕崇山東臨巨海峙高渟深揚華摛彩遠溯
江河淮泗之朝宗近睇混同愛渟之交匯控形勝以瑰奇壯規
模而長在霞連松杏之山土揖襄平之野映雉堞以參差眺鯨
波之輪瀉方嶠鼇浮圓嶼蜃寫匹練波滌斛珠沫灑蘋虬蟠樽
木以輪囷神爵翥觚稜而上下景法構於今茲溯
芳徽於昔者夫惟遐邇禔福中外乂安棗幣百濟獻琛三韓楷
納大庭而示順丸封函谷以無難

列聖以時巡芳甸駐

和鑾覽瀛海攀井幹撫金甌之奠定凌玉宇之高寒

摘章霞表灑露毫端七校則綺交繡錯五言則雲爛星攢

皇帝紹衣

前烈崇舉上儀瞰渤澥之浩淼景崇構之匪厖地設其險海呈其奇因時雍而增景勝固天作而豈人爲閭道遐矚奎文賁垂高迴而星日章灼橫亘而風雲蔽虧以彼姜女叢祠墨胎舊里因古蹟之遺傳獲丹臺之嘉美而斯樓則控制三邊襟帶萬里比崇巫閭之山含潤大瀛之水圖門表其祥白水承其祉允宜與陪都之鳳凰抗東西而遙峙

恭

進全唐文表

伏以乾符啟維八風賡循道之章泰筴呈嵩六寓煥同文之治引珠光於斗極聯曜台階揚玉彩於河潢匯流瀛甸華飛沈露

鏘鳳吹於琅函奧衍叢雲祕龍威於瓊笈文甄一代錄著千家
臣等誠懼誠幸稽首頓首上言竊惟崇山宗海曾緘蕭統之文
概日凌雲夙勒徐陵之序綜逸編於楚漢璧碎璣零標麗句於
齊梁花明雪潔探驪祕閣孫巨源窺苑委之藏檢蠹經龔韓無
咎緝瑯嬛之富錄名臣於晉代紀能賦於梁園歐陽類聚之編
虞監書鈔之博靡不家提玉尺人擅金鑰淵掣鯨鬚巖遶鵝羣
逮自咸通類表始斷代以成書長慶題名因並時而合集三百
家叔陽之彙纂部次州居五十卷吉甫之編排綺交繡錯擷羣
書之麗藻絳闕瓊華披寶刻之叢章雷文雲篆豈獨名傳搜玉
英靈配河嶽之篇句綴聯珠伯仲奏壘篋之雅題襟漢上簡牘
麤存名集篋中菁華偶拾然而晏元獻之續蕭選殿唐彥於陰
何李康成之倣徐編冠陳文於盧駱子明已邈誰珍昌谷之才

公武不逢難訂下賢之冊從未有始終條理萃二十帝而文集大成鉅細包羅統三百年而書釐全帙廣求瓠本重付剞劂如今日者也欽惟

皇帝陛下金鑑澄懷珠囊朗握炳辰樞而叶緯太乙揚輝膺甲錄以恢綱先庚渙號交華同穎鴻章提萬代之文衡紀事編年狐史正百王之道統光浮綠錯十華編玉之藏蘊闡丹壺四徹中繩之博素牙朱帶迴

睿照於丁函青玉白銀璽

聖聰於丙夜攬八代文章之府響震盛唐嘉千秋柱史之林根盤仙李仰惟

聖祖仁皇帝軒琴協雅宣六義於龍躔虞管諧韶播八音於夔拊一十函編周甲幹詩式駢羅九百卷架列壬籤唐音統貫續

承

前聖緝詩文而言各一家潤飾鴻猷合唐虞而書成二典自昔
晉陽雲起同時多接武之賢祇今奎度星明

盛代布右文之教爰

勅蘭臺羣儒同務編摩

特頒芸閣環篇俾勒校勘溯自楚天遺珮童蒙拾芳草之枝漢
代畱顰華譽守繡絲之製鄴中七子較班馬以風濤江左六朝
聲陳隋而體濫大抵竽吹一一鳥談同同鼓萬竅而共聲錯干
達而合軌疇能復古返大輅於椎輪爭事翻新薦雕盤以華實
於是紫虹貫斗白雀栖牙天人開鴻藻之章上下競龍騰之管
丹青帝製作者七人纂組臣篇都爲千帙坤闈黼翰光分圓扇
之娥震殿瑤箋彩接翦圭之彥詠霓裳於重陞臺閣摛華載漁

具以扁舟江湖擢秀蕙心蘭質縈芳緒於旋機象教羽流演靈
文於眞錄推之雅陳巷伯歛納車師亦各同分繡虎之才其握
靈蛇之珮有石室縱橫之筆有金闕博麗之英有凌顏轅謝之
雄有演緯纂元之手聳壑昂霄之質峭拔千尋渡河擘海之辭
雄奇萬狀瓊杯玉斚侑之以元酒大羹覲服銖衣佩之以純鉤
巨闕盧牟祖構孚甲新裁接萼承跗春華歸於秋實鉤心鬪角
人巧匹乎天工統元會爲機鈴作古今之綜軸是則不觀解尾
無以驗陽冰陰火之同生不到渭源無以徵內鼉外鵠之並育
謂柳韓變燕許詎知伯玉之首鳴謂說頰變王楊未識嘉謨之
前導萃四門之子弟私淑尙有孫劉濬萬古之江河遙溯非無
李段彼崔蘇美錦可方宋沈良金而小杜雄鋒亦抗中山峻辨
別有猗玗洞口名標酒漫漁聲絳守居中字詫瑤翻碧漱莫不

五家五隊耀金翠之大觀四正四奇極鳥雲之幻態而況雞林
黃去豐碑照九譯而遙麟廚持來寶翰壓千門而徧百家騰躍
萬手傳鈔乃陶叔獻之所收杳難復識若賀志同之所採俚又
堪譏攬姚氏之一編漏張登之三賦而且專取古初之格都刪
偶儷之言翻磨吏部之碑轉益文昌之碣自消其例謂談理而
體爽正宗徒發其凡謂論文而訣非崇古蓋必全犧解後千蹠
嘗來而後駢散可別其裁盛衰得提其要開國聚匡劉之輩議
禮卽以考文頽風沿宣懿之朝知人因之論世惟是英華舊帙
雍熙之副墨無存冊府遺編欽若之元刊已替載沿玉格改襲
金根欲窺豹於藏山在然犀而照水所賴恭承

指示親定體裁

詔廣旁搜許窺中祕龍賓虎僕儲縑素於西崑玉踐金題探圖

書於東壁集成萬卷嶽峙淵涵永樂四聲繩聯珠貫輿圖曉展
金壺流翠墨之香簿錄宵陳鐵網貯紅珊之影罄珠林之三藏
貝葉芳拳抽雲笈之七籤芝函潤挹豈但書讎劉宋憑劉氏以
訂全文史校薛歐資薛編以存遺策共覩豐城之寶氣迴徹層
霄始知懸圃之瑤華遠超羣玉由是聲蜚大筆搜燕國之遺文
譽妙輕縑補曲江之雅製檢嘉祐平原之刻備美吳興訪靈巖
北海之碑拾遺山左權文公絲綸世掌九年之內制重哀劉賓
客珠玉家藏十卷之佚篇復合一品勘會昌之集增以撫言三
縑酬皇甫之才掇諸大典樊南則表箋總括快乙集之新排江
東則掌記久湮幸讒書之可購他若青茸白腋綴成皆黼大之
章黃穀赤瑛拈出盡圭同之瑞其人總總其旨多多鸞臺雞樹
之宣鳳口鹿盧之勅內相則蓮檠夕拜中書則薇省晨趨校自

史歲次百卷綸言之集載從文海補四篇制草之名上僚壹戎
定業之初下洎五季餘分之末或退入臣行之列或附登帝集
之中風會遞遷雲章彌絢更復詳稽樂石銘徵五鳳之甄博考
吉金篆拓黃龍之鼎剔翠苔而摹岫嶠披金鱗而擢琳瑯寶新
出於曹全訂續增於洪适以及藝文全蜀專羅一郡之賢寰宇
太平徧擘九州之記叢殘必拾增採綦繁皮別集於紫庭種幾
盈百甄逸材於丹軸數更踰千若夫文似而淆有盈川之附編
庾集體殊而舛如和叔之列表徐箋門櫛雙銘因並登而刪羅
袞盧楊兩傳緣歧出而削李華黜比干碑於翰林集中登令狐
疏於文泉子內蕭穎士泛舟之序無取陳鴻李子卿張樂之篇
必歸錢起記誅茅於邕州亭上援柳集以汰毗陵賀瑞羽於興
慶池頭審權文而裁殼士顗須畫一名不歧雙乃尋辨體一書

遂補闕名百賦闡微索隱別類分羣劔已化於延津珠仍還於
合浦從此賦成文鹿其知姓屬公孫詩詠牽牛復使卷題枚叔
至滎陽改玉溪生之作猶昌黎效玉川子之詩盧韓旣別卷以
分收李鄭亦離文而互載又或君臣合撰銘鏐后土之靈祠父
子繼成碣表邠王之長史管同宮而異曲花接葉以分枝其他
李翱平賦之書竇泉述書之賦譬水經於酈氏注有雙行等地
志於班生文多旁綴則亦體仍其舊義取其詳例倣蕭書附彈
文以讞牘譌殊戴記混傳說於經言慶善本之儲藏讀從渠閣
萃羣編而鉤考衡以瑯函至若劉朝霞獻賦於溫泉李藥師上
書於華嶽王子安之贊傳大士施肩吾之會記羣仙或體襍於
俳優或名疑於依託則必翦榛集翠翠乃蒙茸焚艾畱芝芝方
菌蠡晉家宣武列眉御贊之篇唐代褚喬續尾臣工之傳劉知

幾之通羣史羅昭諫之著兩同或非馬之枝流或良狐之衿裔
所貴裁以摯虞之流別證諸劉勰之品題至於黃石傳書碧駮
騰謗侮真靈於嵩華託行紀於周秦何取擗擗轉傷鉤鈇惟誌
怪搜神之語多涉虛誣與香奩脂盞之詞概從芟汰欽承
聖訓斗車指昧以旋杓恪稟

天裁尺璧抵瑕而屏櫝若乃出風入雅貞符柳子之言佩實銜
華聖德韓公之表越王樓迴飛奇藻於宗師雲母泉甘灑清詞
於遐叔怨寄湘中之解丹畱月下之題送晁監以浮溟贈瑗公
而歸嶽義關比興詞託揄揚昔曾載入全函詩有分標之序茲
特垂爲定本文無互見之辭貴別錄以單行慎會函而複出又
若半千名重或疑前代之材長吉詞豪早訂忘年之契必欲輯
通侯之月表繪學士之瀛圖稽名錄於天隨摺姓源於柳氏而

後李膺郭泰證以偕仙老子韓非斥其同傳臺省金鼈之奏存
某月以待核其人科名玉筍之班因同題而進稽其世亦復隱
徵梅里會考蘭亭六逸尋溪三生訪石或題橋畫壁舊字籠紗
或誌水銘山殘題齧蘇枌榆社在詢耆舊於襄陽榮戟門傳叙
搢紳於洛下則且倣統籤之例並紫色而兼羅比記載之規附
金行而其著下車封宋乞降修表以名家投閣美新勸進題箋
而居首開府幕年之詞賦司徒去國之山河雖史改以名仍竟
官同而代異此則集登騎省斷從開寶之前碑錄鵝池驗以普
安之揭復有致堯感憤表聖歸休力窮無迴日之戈身遠有依
天之笏斯固畱侯挾策未嘗屈節於祖龍徵士編詩祇可繫年
於司馬等詩函之附編餘闕義寓繩

先俾文譽之得表孤忠理存彰往且夫舜英堯韭周益公所以

參稽裝仗席颿彭叔夏因而辨證元本雜收甲乙之集其間頗沿丁子之譌宋有王珪乃併制詞於叔玠唐無徐勉竟收賦句於修仁緣漢章之號亦肅宗馬巖疏載取鮑出之傳於魏略魚豢名臚茸馮志貞黃籙碑銘下侵元代蒐尹義尙與齊書啟上列陳賢組表韋琳梁才遠借虎圖李翰蜀本重編可頻瑜見漁仲之書忘爲複姓宇文道作蘭成之序驛入前朝毋獎毋嬰舛由形似蔣防蔣訪綦以聲同唐元度校正九經殷盈孫熟精三禮乃名存而姓佚致畛別而區分著元翰而復出崔鵬昧文成之卽爲張鷟鳳兮本一豕也譌三原其多誤之由蓋亦未成之本所愧削除不盡訂譌有俟於

宸衷習俗相承

詔改得祛其燕說偏有審定庶期糾謬於吳縝同異參詳其效

決疑於王述以英華爲嚆矢仍訂英華以冊府爲濫觴更箴冊府凡此宏綱細目一稟酌於

睿裁史例經凡悉規隨於

聖證貢琛鵲岫約寸寸之朱絲分蘭駕機取純純之錦段排阜相渥洼之馬流電浮雲披沙揀林邑之螢紫磨黃盪例則同乎文鑑括一世之宏材源則導自選樓接千年之陸緒此疆彼界異吳訥之強區翦謬疏燕退凝貞之類纂人人繫傳種種分條刻楮葉以多年成藝林之勝事臣等業疏提槩職在操觚管窺蒼昊之高錐畫黃神之廣幸得身依熙治目覩文明黼黻皇猷邁房杜遭逢之盛筵簪

聖籍企常楊著作之才五辰運啟乎棣通二酉學資其津逮况復

周情孔思道源談虎觀之經義畫倉鉤文囿覽鴻都之典探元
珠於赤水甲令星懸掃落葉於青山寅衷冰惕百川宗解導萬
壑以增流五緯躡箕拱三垣而煥彩珠聯璧合十八葉華如穠
李之文銀浦金鳴一千卷河出綠圖之字臣等無任瞻

天仰

聖踴躍歡忭之至

恭

進明鑑表

臣聞編年仿自春秋著論詳於班范斷代成史而廢興畢賅據
事直書而得失互見自劉知幾史通創作評隲乃有專家及范
祖禹唐鑑纂成淹貫以據偉論體異年經月緯每朝但發其凡
義在援古證今記言必提其要止唐近代取沿革之易於參觀

龔鑑舊名示箴規之備於前事繼涑水而能繩其失先紫陽而
已表其微作司馬之諍臣具董狐之直筆乃祖謙雖爲之注續
輯無聞石介亦有是編流傳已罕恭際

皇帝陛下朗懸金鑑廣運璇機於緝熙單厥心

前徽祇述念終始典於學往哲敷求以趙宋之距李唐猶

昭代之於勝國縱鼎新革故秕政全除而彰往察來前車可戒
綜覈曩跡備詳簡編在厥初草昧開基差同漢祖不再傳彝倫
嬰變較甚唐宗節用愛人善詒謀者初主尊賢養士培國脈者
數朝遞觀仁宣之守成足與文景以比烈惜乎行封建立儲貳
不能酌古今之通僇勳臣杖言官遂踵開涼薄之漸以至魁柄
移而貂璫縱恣官常案而朋黨紛爭國不乏忠貞持論傷於過
激君不皆闇昧流弊中於因循甲乙兩科軒輊之途過甚大小

三案水火之議徒滋甚且厥衛刺姦繁刑以逞礦稅言利橫征而求無俟費起宣崑讖成客魏寇興張李緒殄江淮而早國勢阡危朝綱隳壞人心大去天眷潛移矣統稽一代盛衰可譏者多而可褒者少用備

萬幾觀覽有善必錄而有惡必懲惟

法宮兢業之衷無時或釋況

聖謨彰輝之義亘古爲昭詠全韻則有詩以挈其洪綱覽通鑑則有評以闡其要蘊式是

成憲播爲

至文立君師之大綱昭作述之崇軌於紀事本末兼包千古以敷言於明臣奏章專主一朝而抒論凡以端君極顧民崑辨風俗之貞邪驗邦基之隆替莫不詞兼褒鉞道炳日星卽明政以

示權衡豈范書所能擬議猶以史家之宜存是體

詔做成編復因詞館之有味立言

命重改輯申明義例以與遵循悉汰繁蕪而歸簡要臣等慮期一得才謝三長端本

御批猶燭火之依光日月折中

睿製比涓流之挹潤江河深蒙

指示再三俾知圭臬庶幾敷陳萬一仰副

淵懷監有夏監有殷囊括十六朝之治忽取爲法取爲戒祚開

億萬載之昇平臣等無任瞻

天仰

聖激切屏營之至

皇上五旬萬壽恭紀文一首

詩稱天子萬壽又曰萬壽無疆臣下祝釐之義于焉始萌顧史冊簡略誕辰稱賀闕然未彰唐太宗以生日幸慶善宮賜宴元宗以千秋節御花萼樓奏九部之樂章是日羣臣獻甘露醇酎上萬歲壽觴王公戚里進金鏡綬帶下及士庶報田神相饋遺以綵絲承露之囊丞相源乾曜張說率百官上賀表詣橫街前跽舞拜揚是稱賀之禮至唐而詳然觀其表所稱不過比諸孟夏佛生之供仲春道祖之錄蓋唐諸君于誕辰多集黃冠沙門講律論脩法會以祈福初無藩衛之來享恩澤之徧沐故臣下頌美詞止乎此非才不逮時會使之然耳我

皇上御宇之十有四祀大衍協符箕疇呈瑞河海清宴人民康乂予以答

天休昭文治出內府全唐文

詔儒臣恭校廣所未備

微臣

備員清秘得與編纂之事愧文筆

孱弱未足窺燕許之典懋韓柳之卓犖王楊盧駱之鴻麗孫樵

劉蛻皇甫湜之奧博資以雍容掄揚潤色

鴻業也伏惟

帝德廣運超軼萬禩何貞觀開元之足比數

微臣

淺見拘墟在

位言位陟部婁益仰泰山之高溯行潦益佩河海之深觀燭火

益思日月之麗謹卽有唐經國大法證以諸賢著述綜而論之

折衷

聖世以庶幾揚厲無前之休千萬一焉爾乃唐有天下分道爲

十朝赫林臣回紇縣高昌犁突厥其境東連特剌西接骨咄南

控羣蠻北振大漠九邊之羈縻內屬卽其部落以分隸都督者

多至八百五十有六建豐勝靈夏朔代六州於河曲設廣桂容

邕安南五管於嶺南置屈茲毗沙焉耆疏勒四鎮於西域版章
廓矣然而淮西之平煩兵累朝而安史一奮舉河西隴右之地
委於吐蕃而終唐不復讀魏徵之疏而知征高麗之非國計讀
寶靜之書而知禽頡利之非心服也我

皇上混一區宇亭育萬方聲教所被靡遠勿揚自琉球暹羅南
掌越南大宛朝鮮東西二洋而西北之所控馭木坪瓦寺勒烏
圍美諾且至二萬里而強乃

聖心猶歉然以爲地不期廣而期能理德不期侈而期日莊旣
免遠藩之朝貢而於哈薩克哲布尊丹巴胡土克圖之君長暨
蒙古左右大小賢王喁喁然延頸企踵獻琛貢篚以申鳬藻效
葵悃者復

軫念其道里遼闊撫就勤懇之意特先期

錫宴于灤陽以視唐二廷三郡之創神威受降之築遣戍防秋
屯田致粟是猶棘木瑩耀而與夫檟木龍燭也唐因成周立郊
社之祀南郊祀天汾陰事地四成再成壇判其制星辰嶽瀆位
各以次駢黝辨牲遵豆十二別宮致齋施次於壇衛尉夾列文
武陪侍以至黜神州正配位號除六天方別五帝納郝處俊之
言從長孫無忌之禮禋祀懿矣然而以后亞獻則誤于諧媚之
邪說以九宮貴神從祀則惑於陰陽家之拘忌觀褚无量之諫
而惜中宗之祀事已瀆觀張九齡之諫而惜元宗之祀事久廢
也且天寶以後天地合祭而皇地祇儀遂闕唐世曠不復置焉
曷若我

皇上脣蠻通微幽明合契

朝日

夕月以二分

園邱

方澤以二至

祈穀

常雩春夏分詣宗周官之典合曲臺之記歲舉

躬親禮明樂備乎唐制四廟肇於武德之年嗣是廣爲六則因
岑文本之議增爲七則因張齊賢之奏定爲九則因蘇獻陳貞
節之建言厥後添置十一室而三昭三穆以次而遷其制則東
戶西牖夾室在後而祔室在前其儀則甄鉶簋簠黼展莞席而
設尊彝於戶外楹間昭事虔矣然而崇恩享德多立其名遷廟
毀廟徒存其說畱主內寢詎符嚴配之義別宗升祔終違崇報
之實況以宗尙老子尊爲始祖倡元元之名而別立太清宮則

于祖爲誣而于祀爲褻也曷若我

皇上濬哲文明以

聖繼

聖一德祇承三年

訓政孟月

時享昭其虔孟冬

大饗攄其敬

永祐瞻禮屢形感述之章仲春祇

謁用申孺慕之性乎唐耕籍田始於太宗之代祀以神農勾芒
爲配美盛儀則有若秘書郎之頌陳經訓則有若給事中之對
田器不飾以昭其樸田區手種以警其懈袞冕金根輅青耜黛
望瘞解韜歛種班賚劭農之澤沛矣然而東郊則地同侯封九

推則禮無等殺乾元以戊寅旣與吉亥之義違開元於興慶又與千畝之訓礙按諸韋叔夏之辨而知制之紊積乎因循核以韋公肅之論而知典之廢多歷年載也且以帝社而並祀先農之壇尤昧乎典制之大已曷若我

皇上敦本茂實親耕訓農三推加四禮執乎中秉耒耜吉除壇郊東俾萬倉雲委六合棣通乎唐代學校隆乎貞觀一時孔穎達賈公彥諸耆碩相與崇論宏議而經義燦然嘉陳子昂之請而太學立允歸崇敬之奏而辟雍建焉世子束帛而齒胄藩國鼓篋而升筵執如意賜餐錢講孝經之緒論上釋奠之頌篇立學之制爛矣然而兩壁雖鐫聖賢之贊三牒徒判祥瑞之案其尤濫者以明倫之森嚴而雜引羽士浮屠與博士講經而問難也曷若我

皇上聖學心覃

經筵歲御

臨雍懋典學之規

釋奠聞微言之緒遠宏漢代之典章而媲美周京之庠序乎唐
代田獵大獸公之小獸私之一時李白常袞裴度諸卿尹相與
鋪鴻藻申景鑠而摛爲鉅辭不滿十旬高祖悟蘇長世之諷增
歎三復睿宗獎魏知古之詩躬格虎而褒褚亮之抗疏路遇雨
而容谷那律之進規武功恢矣然而于涇陽于昆陽于雲陽旣
不一其地以正月以九月以十月復不一其時其尤侈者五坊
小兒緣從畋以倖進神策禁衛相擊鞠以爲怡也曷若我

皇上造化從心恩威順序春蒐南苑以敷仁秋閱木蘭而肄武
觀賢矍圃之射紀績岐陽之鼓猶復放麋祝鳩解網施罟因水

潦之道榛罷蘭防之秋舉和氣冬溫

湛恩春煦乎唐薄征減刑之詔以時而行或因旱澇而肆赦或因雨雹而蠲徵三覆五覆慎其讞免租免庸異其名雞竿植而鳳樓御逋欠放而差徭輕采權德輿闕政之陳而畿內之積貸以豁省虞世南錄囚之對而山東之赦令相仍至若貰鹽鐵以溥山澤之利贖奴婢以符昏嫁之情優卹勤矣然而散頒畱司濫其格茶場酤戶繁其征蓋自張蘊古之嬰誅而法吏以刻深希旨自裴延齡之貢諂而度支以聚歛爲能也曷若我皇上議獄緩刑任土作貢惠貧民而發積倉

飭量吏以清畱訟昭覆盆之沈寃緩飛芻之正供賑卹之疏方晨聞而

寬大之詔已夕奉乎若夫唐代文章彬彬稱極盛矣自館開延

英翹才而十八學士之徒彈冠並進瀛洲之登與仙同慶積三百年鬚序所毓之生徒科目所收之髦俊其述作上焉與秦漢同風下之亦足與魏晉齊梁鏤連而膠斬其典雅則兼擅淵雲遷固之長風華則奄有鮑謝徐庾之勝亦越千百載以至於今而因文以得攷其名者尙千有八百餘人幸逢稽古右文之世得以充冊府之儲弄備乙夜之披循而

宸衷猶慮網羅未編致吉光片羽之或湮

特命重加纂輯以期乎賅洽精醇于是簪華之士相與紉渠閣蘭臺之秘策拓吉金貞石之舊文摭釋典以廣甄錄檢道藏以宏見聞功未及半篇帙之衍又復數盈千百而牙籤排比玉題標識已煥然而一新文富若是其信足雄視八代而莫之與京平然而目詞賦以優俳則當代韓愈恥之刪詔令以駢儷則後

世宋祁鄙之且考唐史藝文自睿宗以還絕無御製而今茲所
畱傳大率制敕爲多餘篇述蓋寥寥無幾也我
皇上味餘之編初集之輯

天章爛然昭揭日月紹

四聖之心傳垂百王之法則乃復

幸翰苑以宏文開慶榜而覃澤臚羣玉之

睿裁又洋溢乎鴈帙脩會典以昭邦制之隆續宮史以嚴家法
之述錄功臣以示旂常之銘褒文穎以彰雅頌之什雲漢光被
照臨遐邇臣下之賡明揚歌喜起者蓋炳然同符於陶唐氏也
何貞觀開元之足比數哉且夫獄囚之縱鞭背之禁孰與

仁育義正慎刑之訓廣殿之撤御衣之澣孰與

正本清源崇儉之論仗馬引對吏名書屏孰與

朝乾夕惕勤政之箴是故以金鏡帝範擬諸

才德之說義利之辨則優劣見矣以尙書之賦孝經之注証諸

詠左傳解爾風則淺深著矣以白雪之曲黃菊之辭較諸

耕織垂什木棉製詩則華實歧矣斯誠窺日月乃知燭火之微
觀河海乃知行潦之細瞻泰山乃知部婁之卑也使有唐作者
典懋若燕許卓犖若韓柳鴻麗若王楊盧駱奧博若孫樵劉蛻
皇甫湜以闡揚

聖製敷陳宏詞宣

上功德歌詠

帝祺則其所著錄又奚僅止於斯

聖天子功邁姚姒德躋軒羲流爲福祚衍爲慶基幅員之廣典
禮之懋政治之熙固已卓越唐代萬萬而承明著作播金石垂

竹帛者亦將視唐諸臣而倍徙過之臣以下學遭逢昌期伏覩
盛德大業誠非張說輩所能窺者敢援詩人虎拜稽首之義以
自遂其躋堂稱觥之私云爾

恭進

祕殿珠林石渠寶笈三編摺子

欽惟我

皇上學基宥密苞符啓河洛之祥治續文明續畫煥山龍之彩
珍庋

四朝之寶墨玉檢金韜燦陳百世之憲章星輝雲爛垂模義畫
手澤攸存嗣響虞絃

心傳斯在耕桑

襲什民依曲繪夫璿圖經史拈題古鑑朗懸於

黼座入聖媿三希之蹟逸少書增通靈聯四美之輝文貞畫啓
宋元備採繼列前明綽繡兼儲旁甄舊揭歷代之美難縷數
熙朝之彥各專長祝

釐抒劉李之忱奉

勅灑褚虞之翰在昔瑤函初續允徵美備以無遺祇今祕府儲
藏因累雍熙而彌盛閱三十年之久積四千品之多

聖製光昭

宸章富有爰

頒明詔俾輯全書添置詞臣分鈔副墨更番倬直夙宵從事乎
編摩遴選周詳去取悉衷夫

衡鑒法稽章草押認邠雲辨籀篆于微茫整唐隸于零雜此在
儒生供職本皆分所當爲乃蒙

聖主垂慈得沐

恩之異數塵風薰于殿角珍果叨嘗眷霜冽于墀坳豐裘
賚予

命預重華之宴湛露浮甌許觀上苑之燈慶雲歷什屢荷
仁施之稠疊曲軫微勞深慙學業之庸庸難期報稱去春經始
逾歲觀成廿八函削藁初齊切芹獻而先呈

乙覽五百日拈毫互寫披芸香而其矢寅恭篇章較舊帙而有
加歲月勉尅期而無誤間參按語備載全文仍往例以編排首
登

宮禁次

御園之綜錄遞及田盤惟

仙莊縹素之續收爲曩簡搜羅所未逮琅函貝笈別道釋而分

目居先日角珠庭寫儀型而附圖列後旣綺交而繡錯亦吟別而區分凡茲體要之裁成元本

幾餘之論定秉指歸於由舊義例咸遵快目覩以爭先琅嬛真到幸際右文之代獲邀稽古之榮繼自今

奎藻日新京垓莫紀監于古典章林列法誠綦詳寓物不畱盡洗千百家賞鑒名流之習觀文成化長奉億萬載光華復旦之休抃頌難名慙惶交摯時值全書繕進恭摺奏

聞

聖駕再詣

盛京祇謁

祖陵禮成恭紀七言古詩一百韻

皇帝二十三載秋七月甲子東

巡狩歲當旃蒙典肇舉

蹕啟攝提禮由舊乘時出震支建寅載物占坤幹逢戊寅敷木
德象引伸戊舍土膏兆豐楙方今

化被八埏普入夏霽霑三輔透士民鳧藻瞻就殷原隰龍鱗禾
黍茂五風十雨時乃父尊

祖敬

宗

天所右枌榆社簪

帝鄉遙霜露周看歲星又歲云秋矣可游豫

帝曰往哉毋逗畱不辭遠道跋履艱盡斥羣臣章奏謬展軫效
駕進太僕除道成梁責邊守祝釐已徧元菟郡選駿迺飭飛龍
廐森森仙仗立重墀宛宛

和鑾發清晝，尊收應令滌炎暑。屏翳先期掃雲霧，司徒巡野樹。
蘭防挈壺測辰掌，運漏澄鮮霞綺開。晚霽燭煜曦暉展，晨靚遙
峰蔥蒨錦屏繞。清眀玲瓏玉泉漱，熊羆九陌導。飛揚鵷鷺千村
扈先後經行。

詔爲免邦賦，供頓需皆出官。購民咸安堵，觀

警蹕稼未登場禁。馳蹂帷宮匝野宵，衛嚴城堞臨邊曉。涼透榆
葉關，凝暮煙紫松花江。蹙晴瀾，鍛使迎句驪道脩。迴塞出盧龍
境，延袤呂翁戰績誌。昭垂姜女譌詞訂，紕繆大凌考牧馬蕃字。
巫閭薦馨爵親醕，重嵐凝翠杏連松。峻嶽排空鐵兼繡，與桓王
氣三姓紹橫甸。秋光九關收蒼蒼，啓運拱

鼎湖奕奕靈源匯。星宿蓬壺三島勝，應讓龍虎千山脈。爭湊下
敷瑤草四時榮，上蔭神榆一枝秀。雕豹屏嚴列屏障，瀟遼畛域

聯亭堠

穀林東峙天柱高

梧野西憑隆業構綃帷長隨岫雲卷石馬欲躡巖風走雲外驚
疑勁甲環風前想象敦弓鼓

三陵次第通優愷

六聖憑臨歆妥侑金燈

紫隧接靈爽玉鬯黃流申灌饌以駿奔走効千官以

祈福祥陳六祝醴斟龍勺洗致腍牲割鸞刀進先腍黍稷霏香
泛几筵松椒灑露濡鉶豆獻原陟降深景慕休嘉穉臻荷孚佑
翹瞻長白聳雲衢緬憶

初皇開世宙蕙吞舄降爲時出率育陳常本

天授有邵是卽肇室家遷岐之陽協占繇業自艱難稼穡開時

當會合風雲驟圖倫撻伐奮

英武棟鄂殲除靖強寇冬郊行獵雪霑裳敵壘援枹矢穿冑衣
冠準舊便射御文字製新參篆籀劍麾羣部枯盡摧鹿犄中原
困猶鬪十三勁旅奉韜略廿萬戢兵駭紛糅後來
定鼎兆已成于此

畱都世相副祇承

列聖基鞏固涵濡百年俗殷富登萊東去海汪洋雲代西來山
輻輳牧羊使犬族流寓越葛吳紈賈爭售地兼饒澤家足魚人
解彎弧原給獸祇今利擅都會勝在昔厯稀工巧貿綴麻作堵
屋易營檣苧爲箋池可漚輝輝糠炬霞吐燄戢戢樺皮雨承溜
詳觀風土喜敦龐仰賴

聖神勤造就是非

締造力艱辛那得畱傳俗忠厚流火真同圖寫幽採風豈比軒
乘輶歲韶作歌念桑梓時邁其邦省耕耨早聞夏諺誼彼都羣
上春臺俟我

后巍巍

三殿啓闔闔翼翼十亭揭采厠八闔洞達中砥平四塔岩巖外
環句善旌諫鼓植雙木

璿旂瑤題煥重雷朱甍龍鳳兩掖張碧瓦睢麟萬櫺螭想當取
屬與取鍛成此靈臺及靈囿川原相度費經營沮漆規模屏雕
鏤迺

朝列辟龍袞御載宴羣工鳳韶奏雁藩棗幣趨末班麟趾稱觥
曳華綬翻風麾蓋捲雲錦浮露樽疊耀瓊琇瞳瞳旭采麗
冕旒冉冉爐香挹襟袖卷阿矢音集卿彥行葦

推恩逮童幼遂臨璧水攬金絲遞舉

郊禋達柴禋公侯眡秩禮岳瀆爵帛酬勲褒卓寶編排玉軸閣
披芸

展謁金仙殿開驚

法宮神慢迪儉德

玉牒宗演譜洪胄膠庠增額培譽髦衿服加糧軫勞疚租蠲芳
甸戶可封

澤沛園扉人在省跨驂髻穉謳且祝捧帛耆英拜而仆酺飲休
誇過沛豪歌辭不數橫汾陋熙熙葭屋務耕織藹藹慈雲樂包
覆在宗載考露賦晞自鎬旋鑣車誠遙重瀛波眺鯨不作孤竹
風嘉馬能扣蹉我樓址俯空明屈曲松根挺堅瘦歸程風景紀
篇什富歲閭閻足困筭還紆馳道薦

丹忱爲告成功覲

靈岫三臨效法

祖徽遠四莅期符考勳懋

七旬民又望

鸞旂十月辰剛會龍輶受朝太和設鹵簿歸格

奉先獻醇酎

達孝繼

志道則然至誠感

神理堪究數傳樂利景

詒燕萬彙帡幪到維轂圓顙方趾各洗心烏弋黃支盡延脰風
淳不雕復不琢俗厚相賙又相救雖承積累致太平要本
精誠荅

昭祐

深仁厚澤無與匹崇德報功此其候

微臣

一階忝承乏嘉會千

秋快希邁典章茫未識津涯音韻劣纔通句讀幸逢明盛預颺拜遂以歡忻忘恂愁繩其

祖武萬斯年敬頌無疆

一人壽

聖駕東巡

盛京祇謁

祖陵禮成恭紀七言古詩一首效初唐體

謹序

皇帝御極之十載歲在旃蒙赤奮若秋七月時巡於東恭謁

祖陵纘舊服也

臣

考周詩祀先王先公曰天作高山又曰帝省

其山誠以神聖肇基必磅礴鬱積而後垂光錫祚久而彌昌故

祭告之典自周以來罔不備舉况我

朝之興開基長白控鴨綠混同圖門三江之源鍾啓運天柱隆
業三山之秀橫亘一千餘里發祥億萬斯年豈徒扇巍巍顯翼
翼遑躒諸夏云爾哉是以

天帝運期而會昌景福盱蠻而興作

聖祖

高宗享祀匪懈

皇上永言孝思肅將有事遠承

先世之靈爽近紹

列聖之心源降烟燭調元氣揚緝熙宣皇風功德著乎

祖宗膏澤洽乎黎庶雖唐虞大夏成周之隆何以侈茲

臣奉

命陪

祀躬逢

盛典敢敬效成周雅頌之義述造邦之宏遠

列祖之創垂以昭我

皇上紹聞衣德篤祐凝床至千萬世永有法則其辭曰

混同江水涵深碧

福壤神臯闕靈宅萬葉神基拓

大清千秋王氣鍾長白山高黛插天丹崖碧障勢迴旋興
周地利岐豐建占野星輝箕尾聯扶輿磅礴千餘里一幹西來
脈迢遞分水峰前萬壑流

興京門內三山起啓運山連天柱高雲光隆業接岵巽琪花瑤
草多靈植鳳翥鸞翔翊

聖朝

聖朝自昔丕圖肇雲覆姚墟星貫昴表瑞虹光夾渚流降靈電
影當樞繞

神武由來應運生金戈天半掃欃槍翠庭席捲盧龍野杖鉞星
馳涿鹿兵黃圖盡隸三韓界俯視瀛州若襟帶迅疾
龍興大漠間陸離劍倚空峒外從此

貽謀奕禩承

皇條帝系衍雲仍穀林東表

神堯隧臺野西連

帝覺陵鬱蔥佳氣瞻天上玉匣珠襦護

靈爽終古金鐙闕夕輝如雲石馬排天仗萬壑千巖拱壽邱

鼎湖龍去有弓畱

神軒劍舄倚山瘞

原廟衣冠渭水游周家祭畢文猶在漢代上林遵不改

黃屋三巡

聖祖朝

翠華四莅

高宗載堂構千秋家法傳我

皇法

祖念殷然省方頒詔戎車飭太史先期吉日蠲是時翠管調商
律納賈陳詩準無逸曉日辰旂帶露飄秋郊甲帳排雲出碁布
星羅接遠空虎賁荼火耀軍容松花江展晴瀾細木葉峰含翠
黛濃

玉鑾東指扶桑駐遼水周遭發祥處歷歷枌榆認舊鄉九丸松
柏瞻神樹迺謁

珠邱展至誠迺趨

黼座薦明禋金支絳繅

天庥協玉佩鏗鏘

帝孝伸朱蕤瑤妃紛華飾雕俎犧尊戒蠲潔

龍袞當軒日月容鵷班夾陛風雲色一曲開平仙樂飄宮懸十
二備咸韶傳來夏玉鏘金韻散向巖扃雲幌遙巖扃仰止含悽
愴松徑周遭久瞻望華表巍我切漢高神旂縹緲隨風颺不盡
馳依

聖主懷禮終九獻尚徘徊四山霞彩遙呈瑞百道飛泉助寫哀
昊天其子曾孫主大禮

三陵先後舉膺膺平原始造周昀昀廣甸長懷禹更念旂常舊
勒銘玉卮分獻勅公卿丹青舊像圖褒鄂俎豆榮施到散閣從

龍亦拜

天家賜嶽降崧生襲至治歲事非徒襲舊章告功端在承

先志惟

帝深宮總萬幾陰陽迴幹運璿璣

文光

武烈昭揚覲唐典虞謨切紹衣八方民盡安耕鑿小醜跳梁恃
蠻觸指日含沙短蜮殲揮戈橫海長鯨戮盪平侍有股肱才勝
算須知秉

睿裁羣仰堯階舞干羽更迴軒馭幸蓬萊西清華讌當春啓簪
筆詞臣馬班擬紉縵新編

御製成明良又見賡歌起

宵旰勤求渥澤多盡噓幽隱轉陽和殷湯夏雨桑林禱漢武秋

風瓠子歌防河議已金堤建

詔更金雞赦愚賤釐剔朝綱黜陟明量蠲秋賦恩膏徧偃武脩
文化至隆還因霜露惕

皇衷對揚祇奉烝嘗肅

陟降神憑感格通通微合漠承

天佑復

詔觀風禮成後鎬京澧水澤長新函館岐山俗依舊父老歡稱
萬壽觴大酺恩不數南陽臯門冢土遺規在剝聚烹葵舊業長
糾宗誼况敦桑梓周道親親崇序齒葛藟瓜絲溯本根
銀潢

玉牒傳姬妣亦有屏藩方召儔攀龍附鳳盡王侯撫綏絕塞威
名著冠領羣僚禮數優純牛露犬遐方貢重譯來朝使車衆已

報崑瀛獻玉環復看海舶呈銀甕禹甸宏開王會圖萬方玉帛
壯聞都卽看聲教今時普緬想

隨刊舊日謨名山大澤公侯視懸殿薤沈分遣使浩瀚蒲河鴨
綠環塞我州鎮巫閭峙望秩懷柔徧百神長楊校武六師屯虎
牙振旅花排埒猿臂彎弓月滿輪羽林飲飛自林立主皮不尙
武入戢耀德成周大射儀歌功炎帝豐年什雲爛星輝

睿藻工流傳金石播無窮還將幽土桑蠶意寫入虞絃解阜中
士民爭獻迎鑾曲賽斐呼蘭紀風俗天祿琳瑯祕冊儲人文彪
炳成均育况值金風玉露秋芳郊如鏡六龍游雲霞丹磴千山
繞禾稼黃雲萬頃收山川延攬紆

皇念遙企

丹邱軫餘戀珍錯猶教薦几筵謳歌已早傳芳甸

帝車迴馭八鸞鳴風舉雲搖返

上京此際敷天昭茂對此時率土頌昇平八方風動嘉祥應五緯珠聯光掩映銀甕金船互效奇醴泉芝草皆繁盛羣生遐邇荷帡幪萬國歡心契合同開蒞

明堂頌德詔奉盛

禰廟奏膚功太和翔洽膺多祐

孝治烝烝邁前古洪延

景祚展孫謀赫濯聲靈繩

祖武乘軺曩昔荷

恩深

詔薦馨香赴吉林葵藿藉輸當日悃

山阿遙仰此時心蘭臺曾忝參華秩駿烈掄揚效臣職扈

蹕難陪豹尾班宣毫願獻龍墀側后稷開周契肇商石咸山色
望蒼蒼千尋喬嶽連雲峻億載

皇情衍祚長

恭和

御製隆興寺敬疊

皇考九言詩韻元韻

菩提善法悟入由聲聞妙觀察智相現天人尊

聖製三集詩注是寺大佛寶觀世音菩薩像

也又五集詩注觀世音菩薩是佛之妙觀察智見秘密無上像體根本經黃潛游金華山詩珠瓔縷妙現滿月檐首大士夫人尊

佛三弟子嗣法此其

一與妙吉祥崇奉婆羅門

文殊師利又稱妙吉祥佛見廣清涼傳

慈航寶筏周布大千界

雨花散處火宅生涼雲福田福地極樂開世宙具精進力旋轉

金光輪龍騰苑古傳自慕容建佛香旂閣

天藻凌高靈

聖製初集詩注佛香閣即大佛殿聖祖御題崇禎御所建龍騰苑即此隋改為朝

勸脩鄂國碑記足攷

證焉唐敬德俗說徒紛紜

聖製五集詩注寺初建於隋開皇六年恒州刺史鄂國公王孝陵監造世謠傳為唐之鄂國公尉遲敬德者

非也至今寺中諸碑尚存

百千萬億本自一身化廿六臂與二臂何區分

聖製五集詩注寺中碑

銅像高七丈三尺本一身兩臂不知何時增刻木三十四臂鑿銅身嵌其上共為三十六臂又以年久欲墜以鉤索繫之梁間向日見之心殊不愜因已亥年重脩此寺乃命解脫所聚木臂仍完銅體一身兩臂之舊觀

神堯西巡發帑命重葺震那象教不顯逢昌辰惟

皇祇承錫福徧兆姓

祈佛祚國

異命先期申臺山

臨幸迴蹕道正定入寺瞻禮七寶莊嚴身省方觀民儉約準

前典封山檢玉登禪噉亭云序交初夏風日展妍美琳宮四啓

深邃無纖塵以時

游豫供頓誠崇飾憫彼前代力役勞千軍

聖製五集詩注當年建造寺院皆役軍士為之若已亥重脩

此寺則悉發帑命吏和屋並不以役軍也

曰儒曰釋是二卽是一

聖心門戶之見原無存

仁慈御宇何異佛持世大圓通鏡照徹真如真金身清淨理不

繫成壞

聖製四集詩注寺始建於隋至一千餘年成壞漸故不可數紀昨已亥歲發帑命吏重脩一律普新復還舊觀示現金容改正朝向而常樂我淨之真身實不繫於成

壞新故幻爲之體相詳見所製重脩寺碑記

燕建周毀宋脩何足論

聖製四集詩注大佛像實現世首善薩筆銅金身高七丈三尺隋開皇

時卽慕容熙龍騰苑改爲朝宮龍藏寺至周世宗時毀像以供鑄錢宋開寶中復脩寺曰龍興閣曰大悲

多華作供

帝寓無盡義

玉鑾旋馭七校環鈎陳

奎章頒署栢栢炳星日鎮寶陀界赫奕縣千春